

Rino Esposito Risonance te spice

Pe ecelence dal so contribût inte ricercje e inte didatiche intal setôr de Risonance magnetiche nucleâr, Rino Esposito, professôr di Biofisiche de Universitât di Udin, al è stât onorât de 'Gold medal' dal Grup talian di risonance magnetiche e dal Grup talian di discussion magnetiche nucleâr.

Esposito al è stât premiât pal so contribût determinant in diviers aspiets teorics e pratics de Risonance magnetiche nucleâr aplicâts aes sciencis de vite e pe sô ativitât di insegnament in tantis scuelis specialistichis. I studis di Esposito si concentrin, in particolâr, intes proteinis amiloidgjenichis, cualis chês cjapadis intes malatiis di Alzheimer e Parkinson, otignint risultâts di rilêf internazionâl.

Rino Esposito si è svicinât ae Risonance magnetiche nucleâr dilunc de sô tesi e lauree, ae fin dai agns Setante. Dialore al à disvilupât e aplicât gnovis metodologjiis lavorant prime in Eniricerche e dopo, in ambit academic, in laboratoris talians, in primis il Laboratori di Biofisiche dal dipartiment di Sciencis medicis e biologjichis dal Ateneu furlan, e forescj.